

“Ўзбекистон темир йўллари”  
акциядорлик жамиятининг 2021 йил  
20 сентябрдаги 932-Н-сонли  
буйруғига илова

## **“Ўзбекистон темир йўллари” акциядорлик жамияти тасарруфидаги Қўқон темир йўл техникуми УСТАВИ**

### **1-боб. Умумий қоидалар**

1. Қўқон темир йўл техникуми (кейинги ўринларда - Техниум) Ўзбекистон Республикаси Вазирлар Махкамасининг 2009 йил 17-июндаги 165-сон қарорига асосан “Ўзбекистон темир йўллари” Давлат акциядорлик жамияти тасарруғига Қўқон темир йўл транспорти касб-хунар коллежи мақоми билан ўтказилган. Ўзбекистон Республикаси Президентининг 2019 йил 6 сентябрдаги “Профессионал таълим тизимини янада такомиллаштиришга доир қўшимча чоратадбирлар тўғрисида”ги ПФ-5812-сонли фармони ҳамда “Ўзбекистон темир йўллари” акциядорлик жамиятининг 2019 йил 2 декабрдаги 1327-Н-сонли буйруғига асосан Қўқон темир йўл транспорти коллежи сифатида, Ўзбекистон Республикаси Президентининг 2021 йил 31 августдаги “Олий, ўрта маҳсус ва профессионал таълим муассасалари ўртасида таълим жараёни ҳамда тармоқ ташкилотлари билан ишлаб чиқариш амалиёти узвийлигини кучайтириш чора-тадбирлари тўғрисида”ги ПҚ-5241-сонли қарорига асосан Қўқон темир йўл техникуми сифатида қайта ташкил этилди.

2. Ушбу Устав ўрта маҳсус профессионал таълим босқичида кадрлар тайёрлайдиган техниумнинг мақоми, асосий мақсад ва вазифалари, ҳуқуқ ва мажбуриятлари, шунингдек, фаолиятини ташкил этиш тартибини белгилайди.

3. Техниум - Халқаро таснифлагичнинг 5-даражасига мос келувчи таълим дастурлари асосида олий таълим тизими билан интеграциялашган Ўрта маҳсус профессионал таълим босқичида кадрлар тайёрлайдиган, Тошкент давлат транспорт университети ва бошқа илфор олий таълим муассасаларнинг ўқув-методик кўмаги ёрдамида фаолият юритадиган таълим муассасаси ҳисобланади.

4. Техниум ўз фаолиятини Ўзбекистон Республикаси Конституцияси ва қонунлари, Ўзбекистон Республикаси Олий Мажлиси палаталарининг қарорлари, Ўзбекистон Республикаси Президентининг фармонлари, қарорлари ва фармойишлари, Ўзбекистон Республикаси Вазирлар Махкамасининг қарорлари ва фармойишлари, бошқа қонун ҳужжатлари ҳамда ушбу Устав асосида амалга оширади.

Соҳани поездлар ҳаракати хавфсизлиги билан узвий боғлиқлигини инобатга олган ҳолда, техниумда ўқиш истагини билдирган абитуриентлар “Ўзбекистон темир йўллари” акциядорлик жамиятига қарашли тиббий муассасаларда тиббий кўриқдан ўтказилади.

Тиббий кўриқ хулосасига кўра абитуриент (ўқувчи) танлаган касбига нолойиқ деб топилган тақдирда, унинг ёзма розилигига асосан танлаган касби комиссия қарори билан ўзгартирилиши мумкин.

Техниум “Ўзбекистон темир йўллари” акциядорлик жамиятининг таркибий бўлинмаси ҳисобланади, фаолияти акциядорлик жамиятининг маблағлари, маҳаллий ва хорижий грантлар, таълим хизматларини кўрсатиш, ишлаб чиқариш ва бошқа фаолият турларидан олинган даромадлар, юридик ва жисмоний шахсларнинг ҳомийлик маблағлари, қонун ҳужжатларида тақиқланмаган бошқа манбалар маблағлари асосида молиялаштирилади.

“Ўзбекистон темир йўллари” акциядорлик жамияти техникум ўқувчиларини касбий таълим жараёнида амалий кўникмаларини шакллантириш, меҳнат бозорида Халқаро таснифлагичнинг 5-даражасига мос келувчи мутахассисларга (кейинги ўринларда — мутахассислар) бўлган эҳтиёжни аниқлаш ҳамда битирувчиларни иш билан таъминлашни амалга оширади.

Тошкент давлат транспорт университети техникумнинг идоравий бўйисинувидан қатъий назар, таълим жараёнига ўқув-методик кўмаклашади.

5. Техникум юридик шахс ҳисобланиб, ўзининг мустақил балансига, таъсисчи - “Ўзбекистон темир йўллари” акциядорлик жамиятига тегишли мулкларга (қонунчилиқда белгиланган ҳолатлар бундан мустасно), Ўзбекистон Республикаси Давлат герби тасвири туширилган ва номи давлат тилида ёзилган муҳрга, штампга, давлат намунасидаги бланкаларга, банқдаги шахсий ҳисоб варақаларига, шу жумладан, хорижий валютадаги ва бошқа ҳисоб варақаларига, реквизитларга эга бўлган, ўз номидан шартномалар тузадиган, юкланган мажбуриятларни бажарадиган ҳамда суд, арбитраж органларида даъвогар ва жавобгар бўладиган таълим муассасаси ҳисобланади.

#### 6. Техникумнинг расмий номланиши:

а) давлат тилида:

тўлиқ номи: “Қўқон темир йўл техникуми”, қисқартирилган номи: - “ҚТЙТ”;

б) инглиз тилида:

тўлиқ номи: “Kokand railway technical college”, қисқартирилган номи – “KRTC”;

в) рус тилида:

тўлиқ номи: «Кокандский железнодорожный техникум», қисқартирилган номи – «КЖТ».

7. Техникумнинг жойлашган жойи: Қўқон шаҳри, Меҳржон кўчаси 22-уй. Почта манзили: 713000.

#### **2-боб. Техникумнинг асосий мақсад ва вазифалари**

##### 8. Техникумларнинг асосий мақсади:

кадрлар тайёрлаш Халқаро таснифлагичнинг камидаги 3 ёки 4-даражасига мос таълим дастурларини тамомлаган, умумий ўрта маълумотга эга бўлган шахслар ҳисобидан “Ҳаёт давомида таълим олиш” принципи асосида шакллантирилган гурӯхларда мутахассисликларнинг мураккаблигидан келиб чиқсан ҳолда 2 йилдан кам бўлмаган муддатда кундузги, сиртқи кечки ва дуал таълим шаклларида давлат буюртмаси ҳамда тўлов-контракт асосида кадрлар тайёрлаш;

кадрлар буюртмаси асосида профессионал касбий малакага эга бўлган кадрлар тайёрлаш;

Халқаро таснифлагичнинг 5-даражасига мос келувчи таълим дастурлари асосида олий таълим тизими билан интеграциялашган ўрта маҳсус профессионал таълим босқичида кадрлар тайёрлаш;

ўқувчиларни танланган мутахассислик бўйича замонавий талабларга жавоб берувчи, пухта билим, амалий кўникма ва малакага ҳамда юксак маънавий – ахлоқий сифатларга эга бўлган, интеллектуал жиҳатдан етук кадрлар этиб тайёрлашдан иборат.

##### 9. Қўйидагилар техникумларнинг асосий вазифалари ҳисобланади:

иқтисодиёт соҳа ва тармоқларида талаб юқори бўлган тор доирадаги ва соҳавий мутахассисликлар бўйича тизимли фикрлаш, иш юритиш, замонавий ахборот-коммуникация технологияларини қўллаш кўникмаларига эга ҳамда хорижий тилларни биладиган мутахассислар тайёрлаш;

эгаллаган мутахассислик бўйича меҳнат фаолияти билан шуғуланиш ҳуқуқини берадиган, юқори даражада сифатли билим олишни ва касбий тайёргарликни таъминлайдиган таълим стандартлари доирасида танланган мутахассислик бўйича ўқитиш;

танлаб олинган мутахассислик бўйича бир ёки бир неча квалификацияни эгаллаш жараёнида ўқувчиларнинг касбий лаёқат, кўникма ва малакаларини ошириш;

мутахассисларни тайёрлаш тизими ва мазмунини жамият эҳтиёжларидан, фан, маданият ва замонавий инновацион техника ютуқларидан келиб чиқсан ҳолда такомиллаштириш;

ўқувчиларда ватанпарварлик, миллий ўзликни англаш, ҳалқнинг миллий, маданий, тарихий анъаналарига ҳурмат, Ватан билан ғуурланиш ва ифтихор туйғусини шакллантириш;

ўқувчиларни маънавий – аҳлоқий тарбиялашнинг самарали шакллари ва усулларидан фойдаланган ҳолда камол топтириш;

таълим стандартлари талабларига кўра ўқувчилар эгаллаши лозим бўлган малака ва кўникмаларни ўқувчилар онгига сингдириш;

ўқитувчи, таълим олувчиларнинг соғлигини муҳофаза қилиш, соғлом турмуш тарзини жорий этиш, уларнинг билим олиши, турмуши ва дам олиши учун етарли шарт-шароитлар яратиш;

таълим жараёни учун зарур моддий-техника, ўқув-методик базани яратиш ва ўқув жараёнига юқори иш тажрибасига эга бўлган амалиётчи мутахассисларни жалб этиб бориш.

### **3-боб. Техниумнинг ҳуқуқ ва мажбуриятлари**

#### **10. Техниум:**

Ўзбекистон Республикаси ҳудудида ўз номидан юридик ва жисмоний шахслар билан ваколати доирасида шартномалар ва норматив ҳужжатлар тузиш;

Ўзбекистон Республикасининг амалдаги қонунчилиги билан таъкиқланмаган ва ушбу Уставга зид бўлмаган фаолиятни амалга ошириш;

таълим-тарбия сифати ва самарадорлигини ошириш мақсадида ўқитувчилар ўртасида соғлом рақобат муҳитини шакллантириш мақсадида танловлар ташкил этиш;

республика иқтисодиёти, хўжалик ва хизмат кўрсатиш соҳасида мутахассисларга бўлган талаб ва реал эҳтиёжлар асосида белгиланган тартибда тегишли мутахассислар тайёрловчи қўшимча йўналишлар, шартнома асосида касбга тайёрловчи кисқа муддатли ўқув курслари очиш;

техниум ўқувчисининг касбий ва тадбиркорлик кўникмаларини ривожлантириш, бюджетдан ташқари маблағ ишлаб топиш мақсадида аҳолига пуллик хизмат кўрсатиш бўйича турли соҳалар билан боғлиқ ишлаб чиқариш ва хизмат кўрсатиш фаолияти билан шуғуланиш;

тўлов-контракт асосида ўқитишдан тушадиган маблағлар ҳамда қонунчиликда таъкиқланмаган бошқа манбалардан тушган маблағларни техниум ходимларини ижтимоий ҳимоялашга, техниумнинг моддий-техник базасини ривожлантиришга ва таълим-тарбия жараёнини замонавий ўқув-техник воситалар, мебеллар билан таъминлашга ва уларнинг фаолият самарадорлигини оширишни рағбатлантиришга сарфлаш;

техниум ходимлари ва иқтидорли ўқувчиларни ҳар томонлама қўллаб-куватлаш мақсадида ўрнатилган тартибда, юқори турувчи ташкилот билан келишган

ҳолда хорижий мамлакатларнинг таълим муассасалари билан турли келишувлар асосида ҳамкорлик ўрнатиш ҳуқуқига эга.

Техникум қонун ҳужжатларига мувофиқ бошқа ҳуқуқларга ҳам эга бўлиши мумкин.

#### 11. Техникум:

Ўзбекистон Республикаси Конституцияси, Ўзбекистон Республикасининг “Таълим тўғисида”ги Қонуни, Ўзбекистон Республикаси Президентининг таълим-тарбия соҳасидаги фармонлари, қарорлари ва фармойишлари, Ўзбекистон Республикаси Вазирлар Маҳкамасининг тегишли қарорлари ва фармойишлари, “Ўзбекистон темир йўллари” акциядорлик жамияти ҳамда Ўзбекистон Республикаси Олий ва ўрта маҳсус таълим вазирлиги ва бошқа ваколатли давлат органларининг норматив ҳужжатларида белгиланган вазифаларни бажаришга;

техникумнинг моддий-техник базасини ривожлантириш, ажратилган маблағлардан самарали фойдаланиш ҳамда маблағ билан таъминлашнинг муқобил манбаларини, шу жумладан, ташкилотлар, ҳомийлар маблағларини, хорижий инвестицияларни жалб этишга;

таълим стандартлари, малака талаби, ўқув режа ва фан дастурлари асосида юкори сифатли ўрта маҳсус профессионал таълимни беришга;

техникум ахборот-кутубхона фондини умумий ўқувчилар сонини ҳисобга олган ҳолда замонавий талабга жавоб берадиган дарсликлар ва ўқув-методик адабиётлар (шу жумладан, бадиий адабиётлар) мажмуи билан етарли даражада мунтазам равишда тўлдириб боришни таъминлаш ҳамда ўқув жараёнига замонавий педагогик ва ахборот-коммуникацион технологияларини жорий этишга;

техникум ўқитувчилари малакасини ошириш, тажриба алмашинувини ташкил этиш ва моддий жиҳатдан қўллаб-қувватлашга;

таълим жараёни қатнашчиларини ижтимоий ҳимоя қилишга;

педагогик фаолиятнинг сифати, ижтимоий мақоми, нуфузи ва обрў-эътиборини ошириш борасида фаолият кўрсатишга;

мехнат муҳофазаси талабларига жавоб берадиган таълим-тарбия ва меҳнат шароитларини яратишга мажбур.

Бундан ташқари техникум ходимлари ва ўқувчилари “Ўзбекистон темир йўллари” акциядорлик жамиятининг 2006 йил 11 январдаги “Компания ишчилари учун касб кийимининг янги намунасини жорий этиш тўғрисида”ги 05-Н-сонли буйруғи ҳамда 2006 йил 22 майдаги “Компаниянинг 05-Н-сонли буйруғига қўшимчалар киритиш тўғрисида”ги буйруқларига асосан техникум ходимлари ва ўқувчилари техникум худудида ва жамиятнинг бошқа таркибий бўлинмаларида бўлиб турган вақтларида касб кийимини кийишга мажбурдирлар.

Техникум қонун ҳужжатларига мувофиқ бошқа мажбуриятларни ҳам олиши мумкин.

#### 4-боб. Таълим оловчилар

12. Техникумга ўқишига қабул қилинган фуқаро ушбу таълим муассасаси ўқувчиси ҳисобланади.

13. Ўқишида эришган ютуқлари, ўқув-ишлаб чиқариш, ижодий фаолият ва техникумнинг бошқа ишларида фаол қатнашган ўқувчиларга моддий ва маънавий рағбатлантиришнинг турли хил шакллари қўлланилади.

14. Техникум ўқувчилари:

профессионал таълим муассасаси фаолиятига доир масалаларни мухокама ва ҳал этишда бевосита ёки билвосита (маҳаллий ўзини-ўзи бошқариш органлари ва жамоат ташкилотлари орқали) иштирок этиш;

белгиланган тартибда профессионал таълим муассасалари маъмуритининг буйруқлари устидан шикоят қилиш;

таълим дастурлари бўйича таълимни давом эттиришини тўхтатиш бўйича профессионал таълим муассасаси раҳбариятига мурожаат қилиш;

ахборот-кутубхона, профессионал таълим муассасасининг ўқув, ижтимоий, даволаш ва бошқа бўлинмалари хизматларидан таълим муассасаси уставида белгиланган тартибда бепул фойдаланиш;

касбий компетенцияларни ривожлантиришга қаратилган турли кўрик танловларда белгиланган тартибда иштирок этиш;

иш берувчилар томонидан тавсия қилинган иш жойларида ишлаш бўйича мурожаат қилиш;

олий таълим муассасасининг тегишли йўналишларида таълимни давом эттириш;

таълим олишда ўрта маҳсус профессионал таълим дастурида ва бошқа норматив-ҳуқуқий ҳужжатларда белгиланган ҳуқуқлардан фойдаланиш ҳуқуқига эга.

Техникум ўқувчилари қонун ҳужжатларига мувофиқ бошқа ҳуқуқларга ҳам эга бўлиши мумкин.

### **15. Техникум ўқувчилари:**

Таълим стандартларида белгиланган талабларни белгиланган муддатларда бажариши ҳамда билим ва кўникмаларни эгаллашга;

узрсиз сабабларга кўра дарс машғулотларини қолдирмаслик;

ушбу Уставга, Техникумнинг ички тартиб-қоидаларига, одоб-аҳлоқ қоидаларига ҳамда ўқув интизомига риоя қилишга;

техникум бинолари ва унинг мол-мулкини асраб-авайлашга, тўлов-контракт бўйича мажбуриятларни ўз вақтида бажаришга мажбур.

Техникум ўқувчилари қонун ҳужжатларига мувофиқ бошқа мажбуриятларни ҳам олиши мумкин.

### **5-боб. Ўқув тарбиявий ва илмий-методик иш**

16. Техникумда идоравий бўйсинувидан қаттий назар ўқув-методик раҳбарлик қилиш ҳамда бу соҳада давлат сиёсатини юритиш Ўзбекистон Республикаси Олий ва ўрта маҳсус таълим вазирлиги томонидан амалга оширилади.

### **17. Техникумда:**

таълим бериш камида 2 йил муддатда кундузги, кечки, дуал ва сиртқи таълим шаклларида давлат буюртмаси ҳамда тўлов-контракт асосида амалга оширилади, кечки ва сиртқи таълим шаклида ўқиш муддати ва семестрлар давомийлиги ваколатли давлат органлари томонидан белгиланган меъёрлар асосида шакллантирилади;

ўқувчилар ўқитиш курслари бўйича гуруҳларга, ўқитиш йўналиши бўйича эса бўлимларга бирлаштирилади;

гуруҳларда ўқувчилар сони Ўзбекистон Республикаси Вазирлар Маҳкамаси томонидан белгиланган меъёрлар асосида шакллантирилади;

ўқув йилининг бошланиши, тугалланиши, ҳафталик юклама, таътилларнинг муддати, давомийлиги, шунингдек, ўқув-тарбия жараёни якунларини белгилаш шакллари, амалиёт турлари ва якуний давлат аттестациясини ўтказиш тартиби ҳамда

таълим жараёнига тегишли бошқа талаблар қонунчилиқда белгиланган тартибда тасдиқланган ўқув режалари ва бошқа норматив ҳужжатлар асосида белгиланади;

техникумда барча турдаги ўқув машғулотлари давомийлиги тегишли норматив ҳужжатлар билан белгиланади;

техникумда ўқитиш курси тугагандан кейин назоратларнинг якуний натижалари асосида ўқувчини навбатдаги курсга ўтказиш, курсда қолдириш, ўқишдан четлаштириш тұғрисида қарор қабул қилинади;

ўқувчиларни курсдан курсга ўтказиш, ўқишдан четлаштириш, курсда қолдириш илмий педагогик кенгашнинг қарори ва техникум директорининг бүйруғи билан расмийлаштирилади;

курсдан курсга шартли равища ўтказишларга йўл қўйилмайди;

ўқувчиларни техникумда ўқитиш таълимнинг фан ва ишлаб чиқариш билан ўзаро ҳамкорлиги асосида қуидагича амалга оширилади:

техникум ўқувчиларининг муассаса ва ташкилотларда тизимли асосда ишлаб чиқариш ва малакавий амалиёт ўташи учун шарт-шароитлар яратиш, шунингдек, иш берувчиларни ўқув жараёнида фойдаланиладиган ўқув-норматив ҳужжатларни ишлаб чиқишига жалб этиш;

бевосита ишлаб чиқаришни модернизациялаш жараёнларида иштирок этишига қодир бўлган кадрларни тайёрлаш мақсадида ўқув жараёнига инновацион ғоялар, технологиялар ва ишланмаларни қўллаб, техникум ҳамда муассаса ва ташкилотларнинг ўзаро яқин ҳамкорлигини таъминлаш;

ўқувчиларнинг ўқув, ишлаб чиқариш ва диплом олди амалиёти белгиланган норматив ҳужжатларга мувофиқ амалга оширилади, ўқув режа ва фан дастурларининг барча талабларини бажарган ўқувчи техникум илмий педагогик кенгашнинг қарори ва директорнинг бүйруғи билан якуний давлат аттестацияси имтихонларига қўйилади. Якуний давлат аттестацияси белгиланган норматив ҳужжатларга мувофиқ тартибга солинади;

Якуний давлат аттестацияси комиссияси қарори билан таълим олган мутахассислиги (касби) ва эгаллаган малакаси (малакалари) кўрсатилган ҳолда давлат намунасидаги диплом берилади;

дипломга ўзлаштирилган фанлар рўйхати, ўтилган соатлар ҳажми, уларни ўзлаштириш даражаси (баҳолар) ва Якуний давлат аттестацияси натижалари кўрсатилган қўшимча варақ илова қилинади;

техникумни тамомлаганлик тўғрисидаги диплом эгалланган билимларни меҳнат фаолиятида амалга ошириш ҳуқуқини беради;

ўрта маҳсус таълим дастурларини муваффақиятли тамомлаган битирувчилар ўз соҳасига мос бакалавриат таълим йўналишлари бўйича кириш имтиҳонларисиз якка тартибдаги сұхбат орқали олий таълим муассасаларида 2-курсдан ўқишини давом эттириш ҳуқуқига эга бўлади;

ўқув-методик, илмий-методик ва тажриба ишларини амалга ошириш мақсадида техникум фан кафедраларини ташкил қиласида;

ўқув жараёни шакли илмий асосланган инновацион восита ва ўқитиш усуулларини танлаш асосида ташкил этилади;

ўқув жараёнига йўналишлар бўйича олим ва мутахассислар жалб қилинади. Техникумда ўқитувчиларнинг ўқув-методик ва илмий ижод қилишлари учун шароит яратилади ва рағбатлантирилади.

18. Техниумда маънавий-маърифий ва тарбиявий ишлар умумбашарий қадриятларга ва миллий анъаналарга асосланади.

Техниумда:

ватанпарварлик ва миллий мустақиллик ғояларига садоқатли ҳамда жамият тараққиётига ҳисса қўшишга қодир шахсни тарбиялаш ўқув жараёни билан узвий равишда оила, фуқароларнинг ўзини-ўзи бошқариш органлари, Ўзбекистон Республикаси Ёшлар иттифоқи, Маънавият ва маърифат маркази, Хотин-қизлар қўмитаси ва бошқа жамоат ташкилотлари иштирокида амалга оширилади;

ёшларни маънавий-аҳлоқий тарбиялашда халқнинг бой миллий-маданий, тарихий анъаналарига, урф-одатларига асосланган тарбиявий ишларнинг турли шаклларини оммалаштириш мақсадида техниумнинг веб-сайти ва ижтимоий саҳифаларини яратиш йўлга қўйилади;

ўқувчиларнинг ўз интеллектуал даражасини оширишлари учун бадиий адабиётларни ўқишга қизиқтириш, китоб мutoаласи ва китобхонлик маданиятини оширишга доир тарғибот ишларини олиб бориш янги адабий китобларнинг тақдимотини уюштириш ва тарғиб қилиш орқали амалга оширилади;

техниум ўқувчиларида мулоқот маданиятининг замонавий шаклларини яратиш мақсадида тегишли мутахассисларни жалб қилган ҳолда баҳс-мунозаралар ва давра суҳбатлари уюштирилади;

чет тилларидаги бадиий адабиётлар, илмий материалларни ўрганиш ва таълим-тарбияга татбиқ этиш мақсадида видеороликлар, буклетлар, флейерлар тайёрлаш йўлга қўйилади;

ёш авлодни маънавий-аҳлоқий, миллий мустақиллик ғояларга садоқат ва ватанпарварлик руҳида тарбиялаш, мустақил дунёқарашга ва фикрлашга эга бўлган маънавий бой ва ҳар томонлама камол топган шахсни шакллантиришда миллий-маданий, тарихий анъаналарга, урф-одатлар ҳамда умумбашарий қадриятларига асосланган тарбиявий ишларнинг турли хил шакллари қўлланилади;

ўқувчиларда таълим муассасаси ва танлаган касбни эгаллаш бўйича берилган имкониятлардан ғуурланиш ҳиссини оширишга қаратилган тадбирлар ишлаб чиқилади;

ўқув йилининг биринчи куни жамият, ҳокимиёт, ҳудудий касбий таълимни ривожлантириш ва мувофиқлаштириш бошқармаси, олий таълим муассасаси ва жамоат ташкилотлари вакиллари иштирокида ўқувчиларнинг тантанали сафланиши, Ўзбекистон Республикаси байроғини олиб чиқиш, Давлат мадҳиясини ижро этиш билан бошланади ва белгиланган тадбир асосида давом эттирилади;

биринчи машғулот Ўзбекистон Республикасининг миллий мустақиллик ғояларига бағишланади.

“Ўзбекистон темир йўллари” акциядорлик жамияти, Олий ва ўрта маҳсус таълим вазирлиги, ҳудудий касбий таълимни ривожлантириш ва мувофиқлаштириш бошқармаси раҳбарияти ва Ўзбекистон Республикаси Ёшлар иттифоқи билан биргалиқда ўқувчилар ҳамда уларнинг ота-оналари иштирокида ёшларга оид муҳим масалаларни муҳокама этиш учун мунтазам равишда учрашувлар ўтказиб борилади.

## 6-боб. Таълим муассасасини бошқариш

19. Техниумни бошқариш директор томонидан амалга оширилади.

Техниум директори “Ўзбекистон темир йўллари” акциядорлик жамияти бошқаруви раиси томонидан лавозимга тайинланади ва лавозимдан озод этилади.

Техниум директори:

техникум фаолиятига раҳбарликни амалга оширади ва техникумга юкланган вазифалар бажарилиши учун шахсан жавоб беради;

ўринбосарлар ваколатларини белгилайди, улар ўртасида вазифаларни тақсимлайди, техникумнинг таркибий бўлинмаси раҳбарлари ваколатларини, уларнинг фаолияти учун жавобгарлигини белгилайди;

техникум фаолиятида Ўзбекистон Республикаси Конституцияси ва қонунларига, Ўзбекистон Республикаси Олий Мажлиси палаталарининг қарорлари, Ўзбекистон Республикаси Президентининг фармонлари, қарорлари ва фармойишларига, Ўзбекистон Республикаси Вазирлар Махкамасининг қарорлари ва фармойишлари, “Ўзбекистон темир йўллари” акциядорлик жамияти, Олий ва ўрта маҳсус таълим вазирлиги буйруқлари ва кўрсатмаларини амалга оширилишини ташкил этади;

қонун ҳужжатларига асосан техникум номидан иш олиб боради, барча ташкилотларда унинг вакили сифатида қатнашади, шартномалар тузади, ишончномалар беради;

техникум таркибий бўлинмалари тўғрисидаги низомларни тасдиқлайди;

техникум ўқитувчи ва ходимлари билан меҳнат шартномаларини тузади ва бекор килади;

техникум таркибий бўлинмалари раҳбарларини амалдаги қонун ҳужжатларига кўра лавозимга тайинлайди ва лавозимдан озод қиласди;

техникум педагогик ходимлари ва ўқувчилари учун бажарилиши мажбурий бўлган буйруқлар чиқаради ва кўрсатмалар беради;

техникумнинг ташкилий ва молиявий фаолияти масалаларини ҳал қиласди;

техникумнинг мол-мулкларини сотиш, ижарага бериш ва ҳисобдан чиқариш “Ўзбекистон темир йўллари” акциядорлик жамияти билан келишилган ҳолда амалга оширилади, шунингдек самарали фойдаланиш бўйича белгиланган тартибда қарорлар қабул қиласди;

техникумнинг штат жадваллари ва ҳаражатлар сметасини “Ўзбекистон темир йўллари” акциядорлик жамияти билан келишилган ҳолда ўрнатилган тартибда тасдиқлайди;

техникум ўқитувчилари ва бошқа ходимларини рағбатлантириш ва интизомий жавобгарлика тортиш масалаларини ҳал этади, ўрнак кўрсатган техникум ходимларига унвонлар бериш ва давлат мукофотлари билан тақдирлаш тўғрисида таклифлар киритади;

“Ўзбекистон темир йўллари” акциядорлик жамияти раҳбариятига темир йўл транспортига ўрта бўғин раҳбарлари, кичик мутахассислар, ишчи кадрларни тайёрлаш юзасидан таклифлар киритади;

техникум директори қонун ҳужжатларига мувофиқ бошқа ваколатларга ҳам эга бўлиши мумкин.

## **7-боб. Таълим муассасасининг тузилиши**

20. Техникум штатлари жадвали амалдаги норматив-хуқуқий ҳужжатлар асосида ишлаб чиқилади, тасдиқланади ҳамда рўйхатдан ўтказилади.

21. Техникумда Илмий педагогик кенгаш, методик кенгаш, ота-оналар кенгashi, Жамоатчилик кенгаси тузилади ва фаолият юритади.

22. Техникум фаолиятининг асосий масалаларини кўриб чиқиш учун техникум илмий педагогик кенгаси (кейинги ўринларда — Кенгаш) ташкил этилади. Кенгаш тўғрисидаги низом ва унинг иш режаси Кенгаш йиғилишида тасдиқланади.

Кенгаш таркиби директор томонидан тасдиқланади. Кенгаш таркибига “Ўзбекистон темир йўллари” акциядорлик жамияти таркибий бўлинмалари раҳбарлари, директор ўринbosарлари, котиб, юқори малакали ўқитувчилар, ишлаб чиқариш таълими усталари ҳамда бириктирилган олий таълим муассасаси вакиллари киритилиши мумкин.

Кенгаш қарорларининг ижроси директор ва унинг ўринbosарлари томонидан таъминланади.

**23. Кенгашнинг ваколатларига қуидагилар киради:**

техникум фаолиятида Ўзбекистон Республикаси Конституцияси ва қонунлари, Ўзбекистон Республикаси Олий Мажлиси палаталарининг қарорлари, Ўзбекистон Республикаси Президентининг фармонлари, қарорлари ва фармойишларига, Ўзбекистон Республикаси Вазирлар Маҳкамасининг қарорлари ва фармойишлари, Ўзбекистон Республикаси Олий ва Ўрта маҳсус таълим вазирлиги ҳамда “Ўзбекистон темир йўллари” акциядорлик жамиятининг бўйруқлари, ҳудудий касбий таълимни ривожлантириш ва мувофиқлаштириш бошқармасининг кўрсатмалари ва топшириклари ижроси таъминланишини ташкил қилиш;

техникумнинг йиллик иш режаси ва бошқа режаларни ўрнатилган тартибда тасдиқлаш;

бюджетдан ташқари маблағлар сарф-ҳаражати ҳисоботларини кўриб чиқиш;

техникум педагогик жамоасининг фаолиятини ўқувчиларнинг эгаллаши лозим бўлган билим, кўникма ва малакаларини таъминлашга, ўқувчиларга таълим бериш сифатини оширишга йўналтириш;

олий таълим муасасаси билан ҳамкорликда ўқув-методик жараённи ташкил этиш, моддий-техник базадан унумли фойдаланиш масалаларини кўриб чиқиш;

техникум ўқувчиларининг йўналишлар бўйича ахборотлари ва ҳисоботларини эшлиши, таълим муассасасининг санитария-гигиеник ҳолати, ёнфинга қарши амалга ошириладиган ишлар, меҳнатни муҳофаза қилиш, ўқувчиларнинг соғлиги ва ҳаётига оид ҳамда бошқа масалаларни муҳокама қилиш ва қарор қабул қилиш;

техникум гурӯҳ мураббийлари фаолияти тўғрисидаги ахборотларни эшлиши;

қабул комиссиясининг техникумга ўқувчиларни қабул қилиш юзасидан ҳисботини эшлиши;

ўқувчиларга таълим беришда ўқитишнинг илғор педагогик ва ахборот-коммуникация технологияларидан фойдаланишни татбиқ этиш чораларини кўриш;

ўқувчиларни юксак маънавий-аҳлоқий, умуминсоний ва миллий руҳда, ўз Ватани, халқини ардоқловчи, тинчлик ва барқарорликка қаратилган миллий қадриятлар асосида тарбиялаш юзасидан тавсиялар ишлаб чиқиш ва жорий этиш;

техникумда ўқув-тарбия жараёнини ташкил этиш ва таълим самарадорлигини ошириш бўйича зарур шарт-шароитлар яратишга қаратилган қарорлар қабул қилиш;

ўқувчиларни курсдан курсга ўтказиш, курсда қолдириш, четлаштириш, ўқишига тиклаш, битирувчиларга ўқиши тамомлаганлик тўғрисидаги дипломлар, шу жумладан, уларнинг дубликатини бериш масалаларини кўриб чиқиш;

юқори малакали педагогларнинг иш тажрибасини ўрганиш ва оммалаштириш, уларни давлат мукофотларига тавсия этиш, ёш педагог ўқитувчиларга методик ёрдам кўрсатиш ишларини ташкил этиш;

ўз ваколати доирасида локал ҳужжатларни тасдиқлаш ва уларнинг бажарилишини назорат қилиш;

чин етим, етим, кам таъминланган ва ижтимоий ҳимояга муҳтоҷ ўқувчиларни ҳар томонлама ижтимоий ҳимоя қилиш масалаларини кўриб чиқиш;

директор ўринbosарлари, таркибий бўлинма раҳбарларининг ҳисоботларини эшитиш.

Кенгаш техникум фаолиятига тааллукли бўлган бошқа мухим масалаларни ҳам кўриб чиқиш хуқуқига эга.

24. Техникум таркибида касаба уюшмаси, хотин-қизлар қўмитаси, Ўзбекистон Республикаси Ёшлар иттифоқи, мураббийлар кенгаши ва таълим-тарбия жараёнига дахлдор бўлган бошқа жамоат тузилмалари ташкил этилади.

25. Техникумда фан кафедралари ва биринчирилган олий таълим муассасаларининг кафедра филиаллари ташкил этилади.

Ташкил этилган кафедралар улар фаолияти тўғрисидаги низомлар билан тартибга солинади.

26. Техникумнинг ўқитувчилари ва тегишли олий таълим муассасаси кафедраларининг профессор-ўқитувчилари билан биргаликда таълим сифатини ошириш борасида ҳамкорлик йўлга қўйилади.

27. Техникум директори таълим муассасасидаги ўқув-тарбия ва илмий-методик ишлар самарадорлиги бўйича “Ўзбекистон темир йўллари” акциядорлик жамияти бошқарув аппаратининг кенгашида ҳисобот беради.

Олий таълим муассасаси кенгаши йиғилишларида техникум директори иштирок этади.

#### **8-боб. Педагог ходимлар, ўқув-тарбиявий ходимлар**

28. Техникумда педагог ходимлар, бошқарув, техник, хизмат кўрсатувчи ва ўқув-ёрдамчи ходимлар фаолият юритади.

29. Педагог ходимлар таркибида олий маълумотли, катта, етакчи ва бош ўқитувчи ва ишлаб чиқариш устаси лавозимлари киради.

30. Белгиланган талабларга мувофиқ тегишли олий маълумотга, касб тайёргарлиги ва замонавий талабларга жавоб берадиган, юксак малака, профессионал тайёргарлик ва маънавий-аҳлоқий фазилатларга эга бўлган шахслар техникумда педагогик фаолият билан шуғулланиш хуқуқига эга.

Суд қарори билан таълим муассасаларида ишлаши тақиқланган шахсларнинг техникумда фаолият олиб боришига йўл қўйилмайди.

31. Техникумларга ходимларни ишга қабул қилиш қонун ҳужжатларига мувофиқ “Ўзбекистон темир йўллари” акциядорлик жамияти билан келишган ҳолда амалга оширилади.

Давлат ва хўжалик бошқаруви органлари, маҳаллий давлат ҳокимиияти органлари, вазирликлар, идоралар ва бошқа ташкилотларнинг мутахассислари ўриндошлиқ асосида ёки қонун ҳужжатларида белгиланган тартибда соатбай иш ҳақи тўлаш шартлари асосида педагогик фаолиятга жалб этилиши мумкин.

32. Педагог, бошқарув, техник, хизмат кўрсатувчи ва ўқув-ёрдамчи ходимларнинг ҳуқуқ ва мажбуриятлари техникумнинг ички тартиб қоидалари, одоб-аҳлоқ қоидалари ва лавозим йўриқномаларида белгиланади.

33. Техникумнинг ўқитувчи ва бошқа ходимлари таркибини даврий аттестациядан ўтказиш қонун ҳужжатларида белгиланган тартибда ваколатли давлат органи томонидан амалга оширилади.

34. Техникум директори ўринбосарлари бўйсунуви бўйича “Ўзбекистон темир йўллари” акциядорлик жамияти томонидан лавозимга тайинланади ва лавозимдан озод этилади.

### **9-боб. Жамоат ташкилотлари**

35. Техникумда ўкувчи, педагог ходим, маъмурий ва ёрдамчи ходимларни бирлаштирувчи жамоат ташкилотлари фаолият кўрсатади. Жамоат ташкилотларининг фаолияти амалдаги қонун ҳужжатларига мувофиқ амалга оширилади.

36. Техникум ўкувчиларининг Ёшлар иттифоқи бошланғич ташкилоти ўзини-ўзи бошқарадиган нодавлат, нотижорат ташкилот бўлиб, ёшларни ихтиёрий равишда бирлаштиради ҳамда ошкоралик ва адолат тамойиллари асосида иш юритади.

37. Ёшлар иттифоқи бошланғич ташкилоти Ўзбекистон Республикаси Конституцияси ва тегишли қонун ҳужжатлари ҳамда Ўзбекистон Республикаси Ёшлар иттифоқи бошланғич ташкилоти Низоми асосида фаолият кўрсатади.

38. Ёшлар иттифоқи бошланғич ташкилотининг мақсад-вазифалари техникум ёшларини бирлаштириш, соғлом турмуш тарзи асосида тарбиялаш, жамиятда муносиб ўрин эгаллашга кўмаклашиш, уларнинг манфаатларини ҳар томонлама ҳимоя қилишдан иборатdir.

39. Ўзбекистон Республикасининг “Ўзбекистон Республикасида жамоат бирлашмалари тўғрисида”ги Қонунида белгиланган тартибда рўйхатдан ўтказилган касаба уюшмаси қўмитаси техникум ходимлари ва ўкувчиларининг кўнгилли жамоат бирлашмаси сифатида эътироф этилади.

40. Касаба уюшмаси қўмитаси Ўзбекистон Республикасининг “Касаба уюшмалари, уларнинг ҳуқуқлари ва фаолиятининг кафолатлари тўғрисида”ги Қонунига ва бошқа тегишли норматив ҳужжатларга мувофиқ иш кўради.

### **10-боб. Техникумнинг мол-мулки ва маблағлари**

41. Техникум фаолиятини молиялаштириш қўйидаги манбалар ва маблағлар орқали амалдаги қонун ҳужжатларида белгиланган тартибда:

“Ўзбекистон темир йўллари” акциядорлик жамиятининг маблағлари;

ўкувчиларни давлат буюртмаси ва тўлов-шартнома асосида ўқитишдан тушган маблағлар;

қонунчиликда таъқиқланмаган бошқа манбаалар ҳисобидан амалга оширилади.

42. Техникумнинг молиявий маблағи унинг тўлиқ ихтиёрида бўлиб, қонун билан белгиланган тартибда таълим муассасасининг эҳтиёжини қондиришга ишлатилади.

43. Бино, хоналар меҳнатни муҳофаза қилиш, санитария-гигиена меъёрларига ва ёнғин хавфсизлиги қоидаларига мувофиқ жиҳозланади ва фойдаланилади.

44. Техникум ўз фаолияти натижаларининг бухгалтерия ҳисобини белгиланган тартибда амалга оширади, молия ва статистика ҳисботларини юритади ҳамда тегишли органларга тақдим этади.

45. Техникумнинг молия-хўжалик фаолиятини назорат қилиш қонун ҳужжатларига мувофиқ ваколатли органлар томонидан амалга оширилади.

### **11-боб. Қайта ташкил этиш ва тугатиш**

46. Техникумни қайта ташкил этиш ёки тугатиш қонун ҳужжатларига мувофиқ амалга оширилади.